



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 210. De comitis Luidolfi traditione bonorum in villis Daelhem atque Adenus in pagis Hessi et Nithega.

urn:nbn:de:hbz:466:1-36114

ut si quid postea acquirere posset simul in hac traditione esset testef *Luidolfus comes* (u) *adalgerus* (v) *ricdag* *ofdag* *uueiger* et alii quatuor.

gubernante
Corbeiam
Adalgario.

§. 209.

Tradidit yuo pro filio suo mansum unum cum familia testef hoghold deddi haold alduuard et alii duo.

§. 210.

Tradidit *Luidolfus comes* (x) pro filio suo *tancmaro* (y) mansum unum

(u) *Luidolfus comes* sine dubio est *Luidolfus dux* Saxoniae, aduocatus Corbeiensis, De comite et frater abbatis Warini, nec non sator multorum celebratissimorum ducum atque imperatorum. Cum vero idem demum anno 875 vitam cum morte commutauerit, sequitur, traditiones, quas haecenus exposuimus, ante annum 875 esse promulgatas.

(v) *Adalgerus* an frater abbatis Corbeiensis existit, *Adalgarii* postea archiepiscopus Bremensis? De Adalgero.

(x) Si ex testibus colligere libet tempus, quo haec traditio peracta, *Luidolfus comes* eodem tempore et die, quo *Bunico* in *Ungretun* §. 208. sua tradiderat, tres mansos videtur donasse. Idem enim testes hic sunt, qui §. 208. inueniebantur.

(y) Locum hic habemus insignem de filio *Luidolfi* ducis, *Tancmaro*, alias non cognito. Poterit autem primum ex hoc loco explicari locus notatu dignus in *Actis Idae* ducissae, qui *Tom. I. Script. Rer. Brunswic. Leibn. p. 174.* ita se habens: *Post hac autem cum ipse locus* (Hirutfeld, qui erat in pago *Dreni* in *Lupiae* fluminis ripa) *ab aliis hereditaria successione possideretur, et, ob presidentium incuriam, uilitatibus obsolescere cepisset, continuo benignus dominus sanctae famulae suae merita IDAE, ad castigationem improborum, terribili patefecit euentu. Nam praecleari COMITIS LVDOLPHI amabilis soboles, dum adhuc in albis ab hac luce raperetur, ad eandem ecclesiam defertur. Et quia sanctae Dei opinio necdum in aperto emicuit, penes eam pusionem sepelierunt, qui die sequente de tumulo extractus, ante ianuam vestibuli inuenitur, in quo erat inclusus. Stupefacti, quibus res erat commissa, corpusculum denuo pristino loco addiderunt. Hic Luidolfi filius, cuius nomen ab Uffingo non exprimitur, probabilissime noster Tancmarus fuit. Et quia e verbis excitatis colligitur, locum Hirutfeld hereditaria successione a Luidolfo esse possessum, inde quoque concludimus, Luidolfum voluisse, ut filius suus penes auiam suam *Idam* Ducis uxorem sepeliretur. Quae explicatio planissima est, et cum his traditionibus, omni exceptione maioribus, aptissime cohaeret. Nihil ergo attendendae sunt *Berensii* atque *C. Abelii* exceptiones, cum nostra sententia testimonio scripti coetanei accuratissime sit superstructa. Supra enim iam demonstraui, Luidolfum fuisse filium *Echerti* ducis atque *Idae* ducissae. Deinde possumus verbis huius traditionis explodere fabulas recentiorum quorundam, qui *Luidolfo* duci filium quendam *Tanquardum* attribuerunt, perhibentes, eum arcem *Brunswici Tanquarderode* fundasse, quae postea ab eius fratre *Brunone* duce dicta fuerit *Brunswik*. In sententia hac versatur Auctor Anonymus *Tom. I. S. R. B. Leibn. p. 251.* qui refert, *Ludolphum genuisse Ottonem, Brunonem et Tanquardam, Brunonem vero ducem ANNO 890 urbem Brunswik fundasse, quae ante Tanquarderode vocata sit. Quemadmodum vero Bruno post mortem suam, quae ei anno 880 accidit, uti supra §. 104 demonstraui, nihil fundare potuit; ita eandem tamen opinionem recoxerunt Auctor Chronici Veteris Ducum Brunswicensium Tom. II. Leibn. p. 14. Io. Stadwegius in Chronico Tom. III. Leibn. p. 265. Botho in Chronico picturato l. c. p. 300. atque alii recentiores, quos honoris causa non nominamus. Tanquardus iste, quem filium *Luidolfi ducis* et conditorem arcis *Tanquarderode* fuisse asserunt, nunquam in rerum natura fuit. Ex nostro enim *Tancmaro*, adhuc in albis ab hac luce rapto, quendam *Tanquardum* fabricarunt, et quia, cum in**

Ab anno 874 usque 877 regnante Hludouico et unum cum familia in *daelbem* (z). et in *adonbus* manfos duos cum familiis testef adalgeruf bunico ofdag riedag et alii V.

De villa Daelhem.

§. 211.

mundo nihil egisse, gloriosum non erat, hinc ei fundationem arcis *Tanqwarderode* adscriperunt. Quodsi vero ex hoc loco planum est, *Tancmarum*, patre *Luidolfo* adhuc superstiti, atque ita ante annum 875. decessisse, fundator ille arcis prædictæ esse non potuit. Probabiliora habet Chronicon Gandersheimense MSprum, in quo legi retulit vir optimus nobisque carissimus Harenbergius, *Brunonem* ducem quidem Brunsvicum villam fundasse, sed nomen indidisse a *Tancmaro* locero suo petito regi *Tancwarderodæ*. Desinant ergo docti cum Buningio eiusque continuatoribus fabulari atque ineptire.

- (z) Per villam hanc *Daelbem* intelligit Dominus *Grupenius* in *Origin. Iyrmont.* p. 159. et 162. vicum *Saltzthal* in ducatu Brunsvicensi, olim in pago *Derlingo*. Vt vero ostendamus, hanc eius sententiam minus esse solidam, primo adducere volumus villas, quibus Saxones nostri olim nomen *Dalem* imposuerunt. Prima est *Dale* in principatu Waldeccensi in præfectura *Lichtenfels*, vbi nobiles domini de *Dalwigk* quondam iudicium Westfalicum exercuerunt, id est, *enen fryen Stobl*, vti documenta nostra loquuntur. 2) est *Dalem* in episcopatu *Paderbornensi* in dynastia *Wevelsburg* inter *Lichtenau* et montem *martis* in campo *Sintfeldico*, vbi olim *monasterium* virginum ordinis *S. Augustini* erat, quod, cum per bella spoliis exhaustum atque exustum esset ita, vt virgines ad vicina ordinis cænobia discedere necessum haberent, anno 1429 per cænobitas *Bodecenser* adiuuantibus nobilibus *Padbergenfibus*, *Brabekianis*, *Horhufanis*, atque *Ottone comite de Waldeck* (qui quæ ibidem habebat ab abbate, *Corbeiensi* in feuda, *monasterio Dalhemensi*, rata ea habente dicto abbate, liberali donatione transcripsit) restauratum pro canonicis regularibus ordinis *S. Augustini*; quod ergo *monasterium* bene discernas velim a *Dahlheim*, cænobio virginum ordinis *Cisterc.* in diocesi atque vrbe *Moguntina*. 3) est *Dale* vicus in episcopatu *Paderbornensi* inter *Nienherse*, *Herbram* atque *Paderbornam* urbem, olim *Voreverecum* ad curtem *Enenus* relatum. 4) *Dalhusen* vicus eodem in episcopatu inter *Beuerungen* ac *Borchholte* oppida visitur, in quo *Otto* episcopus *Paderbornensis* parochiam ad præpositum *Gerdensis virginum monasterii* anno 1305 transtulit, et in quo abbatia nostra *Corbeiensis* et nobiles de *Spiegel* bona habent. 5) *Dalem* vicus ad fluuium *Dimolam* (non *Dennel*, vti *Orig. Pymont.* p. 2. volunt) inter *Weplithi* et *Desenberg* castra, ac *monasterium Wormel*, in quo nobiles domini de *Spiegel* bona atque alia iura possident. 6) *Dalen* vicus in comitatu *Pymontano*. 7) *Dalheim* vicus in principatu *Göttingensi* in præfectura superiori *Münden*, 8) *Dahlum* villa in episcopatu *Hildesensi* in præfectura *Bilderlah*, subinde dicta *Königsdahlen*, quia tempore caesarum *Saxonico-*rum ibi castellum regium erat, quod diplomata caesarea in pago *Ambergo* collocant, de quo pago vid. supra §. 137. 9) *Dale* ad fluuium *Lippiam* haud procul a *monasterio Cappenberg* in episcopatu *Monasteriensi*. 10) *Dalem* seu *Thal* in comitatu *Blanckenburgico* ad villam desolatam *Bernestorpe* in montibus *Hartzicis* ad *Bodam* fluuium haud procul a *Blanckenburgo* oppido. 11) reperitur in *Vita episcopi Meinweri* Tom. I. S. R. B. *Leibn.* p. 519. *Burwardium Daleheim* in pago *Wentsgot* et in comitatu *Herieldi*, in quo et in villa *Lutterum* in eodem pago reperiunda *Otto III.* *Meinweri* donauit duos manfos regales. Sed in *Daleheim* deprauatio verbi esse videtur, et procul dubio legendum erit *Dalheim*, vti ex ipso diplomate *Otonis* apparet, quemadmodum etiam censemus, pagum *Wentsgot* nullum esse alium nisi pagum *Wessiga* in comitatu *Rauensbergico* in *Westfalia*, in quo vicus *Lutter* reperitur; *Dalheim* vero esse putamus *Dalke* in terminis comitatuum *Lippiensis* et *Rauensbergici*. 12) *Dalheim* in *Thuringia* in der *güldenene Aue* non procul ab vrbe *imperiali* ac libera *Northausen*. 13) *Grossen-Dahlen*, vbi hodie præfectura in ducatu *Brunsvicensi*, iter vnus horæ distans ab oppido *Scheppensted*, plerumque dictum *Vogtsdahlen*, vt eo melius discerni queat. 14) a vico dicto *Kleinen-Dahlen*, qui non procul abest, atque 15) a iam supra dicta villa *Dalen*, hodie *Saltzthal* dicta, duobus miliaribus distante a vico *Vogtsdahlen*, ab vrbe *Guelpherbytana* vero vix iter dimi-